



Publicaziuns officialas dils 04-08-2017

Uffeci civil Surselva

Naschientscha

Deplazes Mauro, naschius ils 25-07-2017 a Glion, affon da Fabian e Marina Deplazes, sesents a Rabius.

Sumvitg, 04-08-2017

Controlla da habitonts

Serrada via Laus

Muort las lavurs da construcziun sin la via da Laus vegn la via serrada naven dils 24 d'avrel 2017. La via ei serrada duront l'entira jamna (era sonda e dumengia) per tut il traffic. Il traffic vegn duront il temps numnau sviaus sin la via da Puzastg. **Naven dils 24 da fenadur 2017 entochen ils 7 d'uost 2017 allas 7.00 ei la via aviarta per il traffic tochen 3,5 tonnas.**

Tablas d'informaziun dattan sclariment davart ils loghens exacts dil tschancun che vegnan sanai. Las medemas informaziuns ein era publicadas sin la pagina d'internet dalla vischnaunca www.sumvitg.ch. Quellas informaziuns ein oravontut d'impurtonza per ils cultivaders dils praus sil tschancun denter Falens e Laus. Nus engraziein per Vossa capientscha. Ulteriuras informaziuns survegnis Vus directamein dil biro Deplazes a Surrein (tel. 081 943 25 60).

Sumvitg, 04-08-2017

Departament traffic

Beach Sport Plaun Petschen, Cumpadials

Turnier da ballareit/Beach-Volley e da ballapei/Beach-Soccer
sonda, ils 19 d'uost 2017

informaziuns detagliadas e formular d'annunzia: www.plaunpetschen.ch ni
lucas.tuor@icloud.com / 079 759 32 22

Meisa da miezdi (gentar comunabel) dalla Pro Senectute a Cumpadials

Pro Senectute Surselva organisescha ensemen cun Nadja Scolieri ell'«Ustria dalla Staziun» a Cumpadials ina meisa da miezdi (gentar comunabel) inagada per meins, mintgamai il venderdis. Intent dalla meisa da miezdi duei esser da promover la cuminonza ella vischnaunca da Sumvitg e contuorn denter las personas ella vegliadetgna dalla pensiun. Plinavon dat ei la pusseivladad d'embellir quella occasiun cun star il suentermiezdi da cumpignia e dar in scart troccas ni auters giugs.

Liug: «Ustria dalla Staziun», 7176 Cumpadials

Datum: **venderdis, ils 11 d'uost 2017 allas 12.00**

Prezi: 18 francs per persuna cumpriu gentar cun dessert e caffè. Annunzias: Ein da far entochen gievgia sera tier «Ustria dalla Staziun», Cumpadials, tel. 081 943 19 22.